

Cussagl da cumün

Protocol nr. 15 da ls sezzüda dals 20 october 2009

Wagner Thomas e Denise, müdamaints fatschadas

Il Cussagl conceda il permiss pels müdamaints da las fatschadas (fanestra implü vers ost ed ingrondimaint d'üna fanestra vers süd) da la chasa dals conjugals Thomas e Denise Wagner.

Erni Roman, dret da fabricar plü daspera

Sar Roman Erni ha l'intenziun da fabricar duos garaschas sülla piazza davant sia chasa in Sainas (parcella 1906). Per quist intent dumonda'l ün dret da fabricar plü daspera al cunfin da la via da Sainas (parcella nr. 46). Il Cussagl propuona a la radunanza da conceder quist dret da fabricar plü daspera. l' contract da servitut funsila esa dad integrar la seguainta resalva: per cas chi'd es da far lavuors da s-chav vi da la lingia da chanalizaziun chi passa lung la via nu surpiglia il cumün ingüns cuosts per tour davent resp. spostar las garaschas.

Recuors cunter la taxa da fabrica

Üna persuna ha recuorrü cunter la taxa minimala da fr. 50.-- pel plazzar üna gondla in seis üert. Ella fa valair chi nu fetscha insomma na dabsögn d'ün permiss da fabrica per simlas chosas. A partir dals 1. november 2005 vala la ledscha da planisaziun chantunala nouva. Tenor l'artichel 40 da l'ordinaziun a la ledscha da planisaziun chantunala nu sun ün'intera seria da fabricats e stabilimaints plü in oblig d'avair ün permiss da fabrica. Cun quista deliberaziun perda il cumün la controlla, quai chi pudes dar problems. La ledscha da planisaziun chantunala (art. 86 al. 3 e 107 al. 3) autorisescha però al Cussagl da cumün da suottametter tuot las deliberaziuns a la procedura d'annunzcha. Quai voul dir cha mincha fabricat haja da gnir annunzchà al cumün. Sün proposta da la cumischiun da fabrica ha decis il Cussagl da cumün illa sezzüda dals 17 schner 2006 d'introdüer la procedura d'annunzcha. Our dals motifs manzunats decida il Cussagl da refüsar il recuors.

il capo: sig. Reto Pedotti

l'actuar: sig. Andri Florineth

publichà als 27/10/2009